

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, Generalni inspektor policije Nusret Selimović, (u daljem tekstu: Ugovorni organ)

i

FOTO EXPRESS HASANAGIĆ d.o.o. Sarajevo, A. Mulabegovića 6c, ID broj: 4201433040007, koga zastupa direktor Mirza Hasanagić, (u daljem tekstu: Dobavljač)

zaključili su:

## UGOVOR O NABAVCI USLUGA RAZVIJANJA FOTOGRAFSKIH FILMOVA

### Član 1.

Predmet ovog ugovora je nabavka usluga razvijanja fotografskih filmova, za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu Odluke broj 02-11-4-7723-2/22 od 31.10.2022. godine.

Ugovor se zaključuje u skladu sa ponudom Dobavljača i stvarnim potrebama Ugovornog organa.

Ponuda broj VP-8/22 od 01.11.2022. godine sastavni je dio ovog ugovora.

### Član 2.

Ukupna vrijednost ovog ugovora za predmetnu nabavku iznosi do 1.650,00 (jednamiljadašeststoinapadeset i 00/100) KM bez PDV-a.

Dobavljač se obavezuje da se cijene iz Ponude neće mijenjati do isteka ovog ugovora.

### Član 3.

Usluge iz člana 1. ovog ugovora će se izvršavati sukcesivno, prema narudžbama Ugovornog organa, u zavisnosti od potreba Uprave policije.

Usluga će se vršiti u prostorijama Dobavljača.

Dobavljač se obavezuje da će omogućiti vršenje usluge iz člana 1. ovog ugovora u roku od 24 (dvadesetčetiri) sata od dana (trenutka) prijema poziva od strane ovlaštenog lica Ugovornog organa.

### Član 4.

Ovlašteno lice Ugovornog organa će vršiti obradu filmova/negativa u za to opremljenim prostorijama Dobavljača.

Nakon procesa razvijanja, ovlašteno lice Ugovornog organa će negative zajedno sa njihovim pratećim materijalom odmah preuzeti i iznijeti iz prostorija Dobavljača.

### Član 5.

Nakon izvršene usluge koja je predmet ovog ugovora vrši se kvalitativno – kvantitativna primopredaja, uz sačinjavanje radnog naloga/otpremnice. Radni nalog/otpremnica se izdaje u dva primjerka od kojih svaka strana zadržava po jedan.

Ukoliko se konstatuju određeni nedostaci u kvalitetu ili kvantitetu izvršenih usluga sačinut će se zapisnik o reklamaciji.

### Član 6.

Dobavljač se obavezuje priznati reklamaciju na kvantitet i kvalitet izvršenih usluga, koja će biti proučena zapisnikom o reklamaciji, uz obavezno navođenje nedostataka izvršene usluge. Dobavljač je dužan da greške otkloni u roku od 7 (sedam) dana od dana sastavljanja zapisnika.

Usluga će se smatrati uredno izvršenom tek kada bude konstatovano da je primopredaja izvršena bez primjedbi.

#### Član 7.

Plaćanje se vrši u roku od 30 (trideset) dana od dana uredno izvršene usluge i dostavljanja fakture, na tekući račun Dobavljača broj: 3386902231733823 otvoren kod UNICREDIT BANK d.d. Sarajevo.

#### Član 8.

Dobavljač ne snosi odgovornost za štetu nastalu izvanrednim i nepredvidivim okolnostima, a koje mogu dovesti do trajnog gubitka medija kao što je kratkotrajni nestanak struje i sl. Dobavljač garantuje da je oprema na kojoj će se vršiti razvijanje filmova ispravna i odgovoran je za štetu koja nastane usljed neispravnosti/kvara na opremi. Ovlašteno lice ispred ugovornog organa dužno je rukovati opremom Dobavljača, koju će koristiti za razvijanje filmova, na propisan način, koji utvrđuje struka, savjesno i odgovorno. Ugovorni organ odgovara za koja nastupi na opremi kao posljedica nestručnog rukovanja od strane ovlaštenog lica Ugovornog organa.

#### Član 9.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge. Ugovorni organ je dužan dostaviti pismeno obavještenje o svakom propustu Dobavljača. Ugovorni organ će utvrditi razuman rok za ispravku propusta Dobavljača u smislu izvršene usluge.

#### Član 10.

Dobavljač se obavezuje da svi podaci, informacije i dokumentacija kojima ima pristup, za vrijeme trajanja ovog ugovora, kao i nakon prestanka njegovog važenja, u skladu sa zakonom, predstavljaju poslovnu tajnu. Dobavljač se obavezuje da će sa podacima, informacijama i dokumentacijom iz prethodnog stava ovog člana odgovorno postupati i da iste dalje neće dijeliti trećim stranama ili neovlaštenim osobama, bez prethodne pismene saglasnosti druge ugovorne strane.

#### Član 11.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

#### Član 12.


Ugovorne strane su saglasne da sva eventualno sporna pitanja rješavaju dogovorom, štiteći obostrane interese. U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

#### Član 13.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

**Član 13.**

Ugovor stupa na snagu danom potpisivanja ovlaštenih predstavnika ugovornih strana i traje do realizacije ugovorenih obaveza ugovornih strana, odnosno do izmirenja dužničko-povjerilačkih odnosa, a najduže do 31.12.2022. godine.

**DOBAVLJAČ**  
**FOTO EXPRESS HASANAGIĆ d.o.o.**  
Saraievo  
  
direktor Mirza Hasanagić

**UGOVORNI ORGAN**  
**MUP KANTONA SARAJEVO**  
**UPRAVA POLICIJE**

  
**POLICIJSKI KOMESAR**  
Generalni inspektor policije  
Nusret Selimović

Broj: \_\_\_\_\_  
Datum: 01.11.2022. godine

Broj: 02-11-4-7723-4/22  
Datum: 01.11.2022. godine